



Inatsisartunut ilaasortaq  
Steen Lyngé  
Atassut

## KNR-ip akit pillugit politikkaa pillugu § 37 naapertorlugu apeqqummut akissut

02-03-2015  
Sullap nr. 2015-111978  
Dok. nr. 1880870

Apeqqutinnut qujaffigalutit apeqqutitit ataasiakkaarlugit ataani akineqarput:

- 1) *KNR inuiaqatigiinnit aningaasalersorneqartoq kiffartuussisussaasorlu ilinniartoqarfinnik kiffartuussinermi akigittagaata suut tunngavigalugit annertussusaat aalingerneqartarpat.*

Postboks 1029  
3900 Nuuk  
Tlf: +299 34 50 00  
Fax +299 32 20 73  
Email: [ikiin@nanoq.gl](mailto:ikiin@nanoq.gl)  
[www.nanoq.gl](http://www.nanoq.gl)

**Akissut:** Aallaqqaasiullugu oqaatigineqassaaq KNR pisortat suliffeqarfigigaat namminersortoq, tak. Radiukkut tv-kkullu aallakaatitsisarneq pillugu Inatsisartut inatsisaanni nr. 7, 8. juni 2014-imeersumi § 30, imm. 1. aammattaaq inatsimmi § 29, imm. 2-mi ersippoq KNR aallakaatitsisarnerminut atatillugu allanik ingerlatsisinnaasoq. Inatsisartut taamaalillutik aallakaatitsisarnerup saniatigut allanik ingerlatsisinnaaneq siunertaralugu KNR-ip maannakkut isumalluutai pitsaanagerusumik atornerqarsinnaalersippaat. Ingerlatat taakku assersuutigalugu tassaasinnaapput aallataatitanik tuniniaaneq, assersuutigalugu aallakaatitat, saqqummersitat, atortunik attartortitsineq il.il.

Tamanna tunngavigalugu apeqqutip KNR-imut oqaaseqarfigitinnissaa naleqqunnerpaatut isigineqarpoq.

KNR tamassumunnga tapiliullugu ilisimatitsivoq sulisoqarfik radiukkut tv-kkullu aallakaatitanik toqqortaateqartoq. Toqqortat maannakkut digitalisererneqarput, sulili amerlanerit analogiullutik, imatut paasillugu tassaasut nipinik immiussat videokkullu immiussat. Siunissami toqqortassat tamarmik maannakkut digitalinngorlugit filinngorlugillu toqqorneqartarput serverini avataanilu hardiskini uninggasuutigineqartussat.

Uninggasuutit pisoqqat pissarsiarineqarnissaat pillugu namminersortunit sulisoqarfinnillu assigiinngitsunit saaffiginissuterpasuarunik KNR tigusaqartarpoq. Uninggasuutit nassaarineqarnissaat ajornakusoortuuvoq piffissamilu atuiffiusarluni, tassa tamanna ujarlernikkut pisarmat sulisullu pisimasunik ilisimasaqarnissaannik pisariaqartitsiviulluni. Tamassumunnga sanilliunneqassaaq immiussat nuunneqarnissaat kissaatigalugit apeqquteqaatit eqqarsaatigalugit akulikitsumik aalajangersimasuusanginnerat aammalu immiussat immikkuualuttunngortinneqartarnerat tamatigut annertusarani.

Aallakaatitassiaq assersuutigalugu minutsinik 45-nik sivissuseqarpat nuunnera minutsinik 45-nik sivissuseqassaaq. Piffissamik atuiffiusarnerata saniatigut cd rom-

inik dvd-nilluunniit pissarserusuttumut tunniunneqartussanik pisiortornermut KNR aningaasartuuteqartarpoq.

Suliaq aallaqqaasiullugu kr. 350-iusunik akiliummik kiisalu tiimimut aalajangersimasumik kr. 450-inik akeqarpoq. Tamanna sulisut piffissamik atuinerannut kiisalu assersuutigalugu atortunik pisariaqartunik pisinermut aserfallatsaaliuinernullu aningaasartuutunik matussutissatut akiliinertut KNR-ip isigaa.

Toqqortat digitaliserernerat KNR-ip aallartinnikuuaa, taakkulu amerlasoorujussuupput inuillu namminneq suliarisariaqarlugit. Toqqortat tamarmik digitalisererreqareerpata toqqortanik nassaarinninniarnaq ajornannginnerulissaaq, tamassumalu kingorna akit apparneqarsinnaassallutik.

Ilisimatitsissutigineqarsinnaavoq aallakaatitat nuunneqarnissaat pillugu KNR ilinniarfinnut aaqquissuussamik isumaqatigiissuteqarnikuunngitsoq, taamaammallu KNR-ip akinik allattuivia kisimi atuulluni.

KNR tamassuma saniatigut ilisimatitsivoq ilimagineqartoq Danmarkimi akit taaneqartut tassaasut immiussanut digitalinngorlugit toqqortaatineqartunut akit.

*2) Naalackersuisut KNR-ip akigititaasa annertussusaat allanngortinniarlugit sulissuteqarniarpat?*

**Akissut:**

Periutsip allanngortinneqarnissaa pillugu apeqqut eqqarsaatigalugu oqaatineqassaaq KNR Naalackersuisut nalinginnaasumik ilitsersuisinnaanerisa avataaniikkaluartoq inatsimmi § 29, imm. 3 naapertorlugu sulisoqarfiup ingerlatsineri allat nalunaarusiornikkut killilersorneqarsinnaasut. Maannakkumulli taamatut malittarisassiornissaaq pisariaqartutut isigineqarnikuunngilaq. Naggasiullugu § 29, imm. 5-imi ilaatigut 'ingerlataq alla' 'unammilleqatigiinnermi atugassarititaasut' atorlugit ingerlanneqassasoq aalajangersarneqarpoq. Aalajangersakkamut oqaaseqaatini erseqqissarneqarpoq ingerlatsinerit allat niuernerimi atugassaritinneqartut malillugit ingerlanneqassasut, tamassuma ilaatigut kinguneraa 'ingerlatsinernut allanut nunap karsianit aningaasat atorneqassanngitsut'.

Tassunga atatillugu erseqqissarneqassaaq, inuit namminneq sulinerisigut piffissartornartukkut aaqquissuussinermik Kalaallit Nunaanni aqutsineq Danmarkimilu digitalinngorlugit taassuma assinganik aaqquissuussineq akeqartitsinerimi assigiinngitsunik tunngaveqartutut isikkoqartoq.

Tulliullugu oqaatineqassaaq KNR-ip ingerlatsineri allat tassaasut ingerlatsinerit KNR-ip ingerlatsinerata nalinginnaasup avataaniittut, taamaammallu sulisoqarfiup ingerlatani sullissinermini akiliisitsisarnermigut nammineq aningaasalersussagai.

---

KNR-illi tassunga peqatigitillugu ilisimatitsissutigaa toqqortat maannakkut digitalisererneqartut, ilimagineqarporlu siunissami akigititanut sunniuteqassasoq. Naalakkersuisut taamaalillutik isumaqarput immikkoortumi akit appartinnissaat siunertaralugu nalunaarusiornikkut malittarisassiornissamik pissutsit tunngavigalugit pisariaqartitsisoqanngitsoq.

Inussiarnersumik inuulluaqqusillunga

A handwritten signature in black ink, consisting of a stylized 'N' and 'O'.

Nivi Olsen